



中  
176  
19



門試  
卷 176  
卷 19



孫真人千金方衍義卷十四

長洲張 璐路玉著

南沙席世臣鄧客校

小腸腑方 凡七類

小腸腑脈論第一 論一首

論曰小腸腑者主心也舌是其候也心合於小腸小腸者受盛之腑也號監倉吏重二筋十四兩長二丈四尺廣二寸四分 難經甲乙云長三丈二尺大後附二寸半徑八分分之少半也 脊左回疊積其注於回腸者外傳臍上回運環反十六曲常留水穀二斗四升其一斗二升是水一十二

升是穀應主二十四氣也

難經六十六曲盛穀二斗四升水六升三合合之太

半甲乙云受三斗三合合之太半

脣厚人中長以候小腸小腸病者

小腹痛腰脊控睪而痛時窘乏復耳前熱若寒甚獨

肩上熱及手小指次指之間熱若脈滑者

脈經作陷甲乙亦同

此其候也

小腹控睪引背脊上衝心邪在小腸連睪者系屬於脊貫肝肺絡心系氣盛則厥逆上衝腸胃動肝肺散於盲結於臍故取之盲原以散之刺太陰以與之取厥陰以下之取巨虛下廉以去之按其所過之經以調之

左手關前寸口陽絕者無小腸脈也若臍痺小腹中有疝瘕主月即冷上搶心刺手心主治陰心主在掌後橫文中入一分

左手關前寸口陽實者小腸實也若心下急熱痺小腸內熱小便赤黃刺手太陽治陽手一太陽在手小指外側本節陷中

小腸有寒心下重便膿血有熱必痔

小腸有宿食常暮發熱明復止

小腸脹者小腹臘脹引腹痛

心前受病移於小腸心咳不已則氣與咳俱出

厥氣客於小腸夢聚邑街衢

心應皮皮厚者脈厚脈厚者小腸厚皮薄者脈薄脈薄者小腸薄皮緩者脈緩脈緩者小腸大而長皮薄而脈沖小者小腸小而短諸陽經脈皆多紆屈者小腸結

扁鵲云手少陰與太陽為表裏所以表清裏濁清實濁虛故食下腸實而胃虛故腑實而不滿實則傷熱熱則口張口為之生瘡虛則傷寒寒則便泄膿血或發裏水其根在小腸先從腹起方見治水篇中小腸絕不治六日死何以知之髮直如乾麻不得屈

伸自汗不止一手太陽之脈是動則嗌痛頷腫不可以顧肩似拔臑似折是主液所生病者耳聾目黃頰頷腫頸肩臑肘臂外後廉痛

經脈支別已見心臟門中

小腸虛實第二 脈二首 方三首 灸法二首

小腸實熱

左手寸口人迎以前脈陽實者手太陽經也病苦身熱來去汗不出心中煩滿身重口中生瘡名曰小腸實熱也

柴胡澤瀉湯 治小腸熱脹口瘡方

柴胡

澤瀉

橘皮 一作桔梗

掃葉山房

黃芩

枳實

旋覆花

升麻

芒硝 各三兩

生地黄 切一升

右九味咬咀以水一斗煮取三升去滓內硝分二服

衍義

小腸腑充受盛職司化物而行君主之令統三焦之權以握中外之機中氣盛則大氣敷布出內有常中氣衰則清濁不分泄利無度火性易起易滅滅則四大分崩起則一身擾亂如柴胡澤瀉湯首治火氣外擾熱脹口瘡故以升柴升散於上旋橘開發於中芩澤分利於前硝黃蕩滌於後四通分

泄其源庶免遷延之患然恐藥力過峻卽以地黃保護心包不使熱邪干犯九五也

大黃丸 治小腸熱結滿不通方

大黃

芍藥

葶藶 各三兩

大戟

朴硝 各二兩

巴豆 七枚

杏仁 五十枚

右七味爲末蜜和丸如梧子飲服七丸小兒服二三丸日二熱去日一服

衍義

熱結不通不用承氣陷胸者以小腸雖居下位治節却在中上二焦故取葶藶專攻心下逆滿杏仁

開發肺氣於上硝黃蕩滌痰垢於下杏仁力綿更  
借備急丸中巴豆以佐之硝黃性下復採十棗湯  
中大戟以激之芍藥一味專護營血即柴胡澤瀉  
湯中用地黃之意

灸法

小腸熱滿灸陰都隨年壯穴在俠中腕兩邊相去一  
寸是

小腸泄痢膿血灸橫舍一百壯小兒減之穴在俠臍  
兩邊相去各一寸又灸小腸腧七壯

小腸虛寒

左手寸口人迎以前脈陽虛者手太陽經也病苦顛  
際偏頭痛耳頰痛名曰小腸虛寒也

治小腸虛寒痛下赤白腸滑胸中懊懺補之方

乾薑 三兩

當歸

黃蘗

地榆 各四兩

黃連

阿膠 各二兩

石榴皮 三枚

右七味咬咀以水七升煮取二升五合去滓下膠  
煮取膠烊盡分三服

衍義利下赤白而見胸中懊懺虛煩滑脫可知駐車丸  
中薑連以導虛熱歸膠以和營血參入黃蘗以堅

腸滑地榆榴皮以固血脫也

舌論第三

論一首

論曰舌者心主小腸之候也善用機衡能調五味也凡有所啖若多食鹹則舌脈凝而變色多食苦則舌皮稿而外毛焦枯多食辛則舌筋急而爪枯乾多食酸則舌肉肥而脣揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五臟之氣也若臟熱則舌生瘡引脣揭赤若腑寒則舌本縮口噤脣青寒宜補之熱宜瀉之不寒不熱依臟腑調之

風眩第四

論一首 方九首 灸法一首 食禁一首

前卷既有頭面風方風眩不當分出蓋以此是徐嗣伯方不可以餘方相雜故此特立風眩方條專出徐氏方焉

徐嗣伯曰余少承家業頗習經方名醫要治備聞之矣自謂風眩多途諸家未能必驗至於此術鄙意偏所究也少來用之百無遺策今年將衰暮恐淹忽不追故顯明證論以貽於後云爾

夫風眩之病起於心氣不定胸上蓄實故有高風面熱之所爲也痰熱相感而動風風火相亂則悶瞀故

謂之風眩大人曰癩小兒則為癩其實則一此方療治萬無不愈但恐證候不審或致差違大都忌食十二屬肉而奔豚為患發多氣急氣急則死不可救故此二湯是輕重之宜勿因此便謂非患所治風眩湯散丸煎共有十方凡人初發宜急與續命湯困急時但度灸穴便火鍼鍼之無不瘥者初得鍼竟便灸最良灸法次列於後余業之以來三十餘年所救活者數十百人無不瘥矣後人能曉此方幸勿叅以餘術焉

續命湯 治風眩發則煩悶無知口沫出四體角

弓目反上口噤不得言方

竹瀝一升半

生地黄汁一升

龍齒

生薑

防風

麻黃

各四兩

防己三兩

石膏七兩

桂心

二兩

附子三分

右十味咬咀以水一斗煮取三升分三服有氣加附子作一兩紫蘇子五合橘皮半兩已服續命湯口開四肢尚未好定而心中尚不除者紫石湯主之方見後紫石煮散是也

衍義

諸續命湯衍義已見前八卷諸風門中此續命方



治風眩煩悶但取麻黃防風桂心附子石膏生薑  
六味開拓表裏陰陽調適經府寒熱乃加竹瀝以  
治經絡四肢膜外之痰地黃以治周身臟腑痺著  
之血龍齒以治驚癇諸瘕癲疾狂走防已以治中  
風攣急風熱諸癲服後口開肢廢癲瘕不除者服  
紫石散卽金匱附方除熱癰癩風引湯是也  
賁豚湯 治氣奔急欲絕方

吳茱萸一分

石膏

人參

半夏

芎藭各三分

桂心

芍藥

生薑各四分

生葛根

茯苓各十分

當歸四兩

李根皮一斤

右十二味呖咀以水七升清酒八升煮取三升分  
三服

衍義

奔豚湯金匱主治氣上衝胸往來寒熱奔豚雖屬  
腎積而實衝脈為病氣上衝胸者陰邪上逆也往  
來寒熱者邪正交爭也衝主血故以芎藭芍藥和  
其瀦積之血半夏生薑滌其堅積之痰葛根以通  
津液李根以降逆氣並未嘗用少陰之藥設泥奔  
豚為腎積而用伐腎之劑謬之甚矣嗣伯治風眩  
氣奔欲絕故以桂苓祛風人參壯氣茱萸降逆石

膏開泄旺氣爲之必需金匱治奔豚寒熱正當用等味而反不用乃以甘艸和腹痛黃芩解寒熱者以有形之滯不能速除不若緩攻爲得也設其人元氣委頓奔豚固結進用此方未爲不可

防已地黃湯 治言語狂錯眼目霍霍或言見鬼

精神昏亂方

防已

甘艸 各二兩

桂心

防風

各三兩

生地黃

五斤別切勿合藥漬疾輕小一斤

右五味咬咀以水一升漬一宿絞汁著一面取滓著竹簣上以地黃著藥滓上於五斗米下蒸之以

銅器承取汁飯熟以向前藥汁合絞取之分再服

衍義

此治風眩病言語狂錯精神昏亂與金匱治病如

狂狀獨語不休皆驚痰堵塞於心包亂其神識所

致故以防已逐其痰氣防風瀉其木邪桂心通其

關竅地黃安其本神甘艸專和桂心地黃寒熱之

性也

薯蕷湯 治心中驚悸而四肢緩頭面熱心胸痰

滿頭目眩冒如欲搖動方

薯蕷

麥門冬

人參

各四兩

芍藥

生地黃

前胡

各八分

枳實

遠志

生薑

各三分

茯苓

茯神

各六分

半夏

五分

甘草

黃芩

竹葉

各二分

秫米

三合

右十六味咬咀取江水高舉手揚三百九十下量取三斗煮米減一斗內半夏復減九升去滓下藥煮取四升分四服無江水處以千里東流水代之義衍靈樞半夏湯本治厥氣客於臟腑衛氣獨衛其外不得入於陰陰虛故目不瞑飲以半夏湯一劑陰陽一通其臥立至其病新者覆杯則臥汗出則已

久者三飲而已蓋取半夏以通其陽流水以通其

陰秫米滋其氣化以安神識嗣伯推廣其意類加

益氣通神之品治驚悸眩冒不寧等證仍取半夏

流水秫米以行諸藥之性也

防風湯 服前湯後四體尚不涼頭目眩轉服此

湯大勝宜常服但藥中小小消息隨冷煖耳仍

不除瘥者依此方

防風

石膏

人參

赤石脂

生薑

龍骨

寒水石

茯苓

各三分

桂心

二分

紫石英一分

右十味咬咀以水八升煮取三升分三服凡用井花水取清淨也今用江水者無泥沙穢源泉遠涉順勢歸海不逆上流用以治頭必歸於下故也

衍義

服薯蕷湯四肢熱尚未除頭目轉覺眩暈虛陽不能即斂故取風引湯中四石龍骨桂心加參苓以鎮固之生薑開發中氣防風開發表氣風引湯專取大黃引風熱下行此以人參助防風上泄仍取江水煮服乃薯蕷湯之成法半夏湯之變法也薯蕷丸治頭目眩冒心中煩鬱驚悸狂癲方

薯蕷二十分

甘州二十分

鹿角膠金匱作阿膠

斗豆黃卷

桂心各七分

乾地黄

神麴

當歸

人參各四分

麥門冬

防風

黃芩金匱無

芍藥

白朮各六分

柴胡

桔梗

茯苓

杏仁

芎藭各五分

白斂

乾薑各三分

大棗一百枚取膏

右二十二味為末棗膏和白蜜丸如彈丸先食服一九日三

夫頭目眩冒心中煩鬱驚悸狂癲與金匱虛勞諸不足風氣百疾之治無異總由腎氣本虛虛風上盛或表邪不解涼藥誤投傷犯脾肺而成虛勞是以立方專取桂苓和營散邪薑朮兼理藥誤君以薯蕷大理脾肺豆卷神麴除濕運痰毫不及乎補益腎肝此治冒眩煩鬱驚悸狂癲之疾狂癲雖氣之虛實由木盛生火生痰所致故其治咸不出和營理脾等法也金匱以補虛為務故用阿膠嗣伯以眩冒為主故用鹿膠用黃芩者取以散標熱之上盛也

薯蕷煎方

薯蕷	二十分	甘草	十四分	澤瀉	八分
人參	各四分	黃芩	各四分	當歸	五分
白斂	各四分	桂心	各四分	防風	各三分
麥門冬	各四分	山茱萸	各四分	桔梗	各四分
芍藥	各四分	紫苑	各四分	大豆黃卷	各四分
乾地黄	各四分	白朮	各四分	芎藭	各四分
乾薑	各四分	蜀椒	各二分	麋鹿髓	各二分
生地黄	十八斤	汁煎令餘半	取		
鹿角膠	各半斤	麻子仁	研	蜜	各三升

大棗 八十枚

垣墻下溝竇邊者皆不中用也

桑根白皮

五升忌岡上自出土者大毒大忌近籬屋

右二十七味以清酒二斗四升煮桑白皮麻子仁

大棗得一斗去滓次下地黄汁鹿膠髓蜜煎減半

內諸末併煎令可丸如雞子黃大飲服一枚日三

稍加至三丸

衍義

此即薯蕷丸之變方於前方除去柴胡杏仁茯苓神麴四味參入澤瀉山茱萸紫苑蜀椒生地黃麋鹿髓麻子仁桑根皮等八味其兼補腎肝之義與前稍殊

天雄散 治頭目眩暈屋轉旋倒方

天雄

防風

芎藭

人參

獨活

桂心

葛根 各三分

莽艸 四分

白朮

遠志

薯蕷

茯神

山茱萸 各六分

右十三味治下篩先食以菊花酒服方寸七日三

漸加至三七以知為度

菊花酒法九月九日取甘菊花曝乾作末於米饋中

蒸作酒

衍義

真元下虛風毒上盛而致頭目眩暈屋轉旋倒故

用人參茯神薯蕷白朮山萸桂心芎藭遠志填補  
脾腎莽艸天雄獨活防風葛根專祛風毒也  
人參丸 治心中恍惚不定方

上黨人參

鬼臼

鐵精

牛黃

雄黃

大黃

丹砂

菖蒲

防風

各一兩

蜥蜴

赤足蜈蚣

各一枚

右十一味爲末蜜丸如梧子大用前菊花酒服七  
丸日三夜一稍加之合藥勿用青紙忌見婦人青  
衣喪孝不具足人及濁穢六畜雞犬等

衍義

九味祛風鎮心藥中獨取上黨人參以護心安神

大黃辟除風毒用菊花酒專清頭目之風也

按上黨人參形類參蘆乃沙參中一種最道地者  
以其無寒降之患有清補之功故以人參目之

灸法

其法以繩橫度口至兩邊旣得口度之寸數便以其  
繩一頭更度鼻盡其兩邊兩孔間得鼻度之寸數中  
屈之取半合於口之全度中屈之先覓頭止迴髮灸  
之以度度四邊右左前後當繩端而灸前以面爲正  
並依年壯多少一年凡百灸皆須瘡瘡又灸壯數如

前若連灸火氣引上其數處迴髮者則灸具近當鼻也若迴髮近額者亦宜灸若指面爲癩則闕其面處然病重者亦不得計此也

禁食十二相屬肉物皆不得食其爲藥則牛黃龍骨齒用不可廢

風癩第五

論四首 方三十六首 鍼灸法五十八首

論曰黃帝問曰人生而病癩疾者安所得之岐伯對曰此得之在腹中時其母數有所大驚也氣止而不下精氣并居故令子發爲癩疾病在諸陽脈且寒且熱諸分且寒且熱名曰狂刺之虛脈視分盡熱病已

而止病癩初發歲一發不治月一發不治四五日一發名曰癩疾刺諸分其脈尤寒者以鍼補之病已止癩疾始生先不樂頭重直視舉目赤其作極已而煩心候之於顏取手太陽陽明太陰血變而已癩疾始發而反強因而脊痛候之足太陽陽明太陰手太陽血變而已癩疾始作而引口啼呼甲乙作喘悸者候之手陽明太陽右強者攻其左左強者攻其右血變而止治癩疾者常與之居察其所當取之處病至視之有過者卽瀉之置其血於瓠壺之中至其發時血獨動矣不動灸窮骨二十壯窮骨者尾骶也



骨癲疾者領齒諸腠分肉皆滿而骨倨強直汗出煩悶嘔多涎沫氣下泄不療

筋癲疾者身拳攣急脈大刺項大經之本杼嘔多涎沫氣下泄不療

脈癲疾者暴仆四肢之脈皆脹而從滿脈盡刺之出血不滿俠項灸太陽又灸帶脈於腰相去三寸諸分肉本踰嘔多涎沫氣下泄不療

治癲者病發而狂面皮厚敦敦者死不療

凡癲發則臥地吐涎沫無知若強掠起如狂及遺糞者難療

癲疾脈搏大滑久自己脈沉小急實死不療小牢急亦不可治脈虛可療實則死矣厥成爲癲疾五臟不平六腑閉塞之所生也厥成爲癲故附厥於此條也陰衰發熱厥陽衰發寒厥

論曰黃帝問曰厥之寒熱者何也岐伯對曰陽氣衰於下則爲寒厥陰氣衰於下則爲熱厥問曰熱厥必起於足下者何也對曰陽氣起於足三趾之表集於足下而聚於足心故陽勝則足下熱也問曰寒厥必起於五趾而上於膝者何也對曰陰氣起於五趾之裏集於膝而聚於膝上故陰氣勝則從五趾至膝上

寒其寒也不從外而從內也厥或令人腹滿或令人  
暴不知人或至半日遠至一日乃知人者何也陰氣  
盛於上則下虛下虛則腹滿腹滿則下氣重上而邪  
氣逆逆則陽氣亂亂則不知人巨陽之厥腫首頭重  
足不能行發為眴仆陽明之厥癰疾欲走呼腹滿不  
得臥面赤而熱妄見而妄言少陽之厥暴聾頰腫而  
熱脇痛髀不可以運太陰之厥腹滿臘脹後不利不  
欲食食則嘔不得臥少陰之厥舌乾渴赤腹滿心痛  
厥陰之厥小腹腫痛脹溼洩不利好臥屈膝陰縮腫  
脘一作外熱盛則瀉之虛則補之不盛不虛以經取

之上寒下熱先刺其項太陽則留之已則火熨項與  
肩甲令熱下冷乃止所謂推而上之者也上熱下寒  
視其虛脈而陷下於經絡者取之氣下而止所謂引  
而下之者也刺熱厥者留鍼反為寒刺寒厥者留鍼  
反為熱刺熱厥者二陰一陽刺寒厥者二陽一陰所  
謂二陰者二刺陰也所謂二陽者二刺陽也  
論曰溫病熱入腎中亦為瘧小兒病癰熱盛亦為瘧  
凡風瘖暴尸厥及鬼魘不寤皆相似宜精察之故經  
言久厥則成癰是以知似也

論曰癰病有五一日陽癰發時如死人遺溺有頃乃

解二曰陰癩坐初生小時臍瘡未愈數洗浴因此得  
之三曰風癩發時眼目相引牽縱反急強羊鳴食頃  
方解由熱作汗出當風因以房室過度醉飲飽滿行  
事令心氣逼迫短氣脈悸得之四曰濕癩眉頭痛身  
重坐熱沐髮濕結腦汗未止得之五曰馬癩發時反  
目口噤手足相引身皆熱坐小時風氣腦熱不和得  
之

治五癩方

銅青

雄黃

空青

東門上雞頭

水銀

猪苓

茯苓

人參

白芷

石長生

白斂

白薇

卷柏

烏扇

硫黃

各半兩

一兩半

右十五味爲末以青牛膽和著銅器中於甑中五  
斗大豆上蒸之藥成丸如麻子先食服三十九日  
二夜一

衍義

癩癩之治補瀉懸殊北方風氣剛勁見證多實非  
金石悍烈無以逮克敵之威南方水土柔弱見證  
多虛非攻中寓補奚以保乂安之策分途異治大  
都與中風不異如五癩丸方首尾皆列金石中間

風毒雜陳卽有一二參苓不過藉以鼓動諸藥之勢良非兼補之謂乃西北癩證之的方若大江以南心勞志鬱神出舍空之證金石每多扼腕恒有以烏蠍六君鹿茸八味收功者未可執此槩論也虎睛丸 治濕癩掣癢口眼張大口出白沫或作聲或死不知人方

虎睛 一具酒浸宿炙 鬼箭羽 露蜂房 各二分

獨活 遠志 細辛

貫衆 麝香 白斂 一作白薇

升麻 白蘚皮 各三兩 牛黃

防風 秦艽 防葵

龍齒 黃芩 雄黃

山茱萸 防己 茯苓

鐵精 鬼臼 乾地黃 一作乾薑

人參 大黃 銀屑 各四分

茯神 石膏 天雄 各五分

寒水石 六分 蛇蛻皮 一尺

右三十二味為末蜜和丸如梧子大酒服十五丸日再稍加至二十五丸神效

衍義 虎睛龍齒定魄安魂牛黃麝香滌痰利竅蜂房蛇

蛻攻毒祛風鐵精銀屑辟邪鎮驚雄黃石膏破惡  
散結防葵天雄出陰入陽升麻大黃升清降濁人  
參地黃導氣和血其餘風藥毒藥總皆匡佐之流  
耳如無虎睛珍珠代用可也

凡癩發之候其狀多端口邊白沫動無常者治之

方

秦艽

人參

防葵一作防風

茯神一作牡丹

甘艸各二兩

鉛丹一兩

貫衆一枚

右七味咬咀以水九升煮取三升半分三服

衍義

七味藥中鎮驚祛風解毒安神無不悉具

雄雌丸 治風癩失性顛倒欲死五癩驚癩方

雄黃

雌黃

真珠各一兩

鉛二兩熬令成屑

丹砂一分

水銀八分

右六味為末以蜜和搗三萬杵丸如胡豆先食服

二丸日二稍加以知為度

古今錄驗云療五癩牛

狗癩則狗鳴羊癩則羊鳴雞癩則雞鳴病五臟狂病者腑臟相引盈氣起寒厥不識人氣靜言狂吐沫久而得蘇者

衍義

此方專以金石鎮固惟真珠一味清心安神然病發之始切不可輕投金石閉門逐寇亦不得擅用

補益使痰永積而成固疾也

續命風引湯 治中風癱眩不知人狂言舌腫出

方

麻黃

芎藭

石膏

人參

防風

桂心

甘艸

獨活

防己

附子

當歸

杏仁

陳薑

五兩一本 無陳字

右十三味咬咀以酒三升水一斗合煎取四升分

四服日三夜一

衍義

此於小續命方中去黃芩芍藥加石膏獨活以祛

風熱其小續命方衍義見八卷諸風門中

紫石散 治大人風引小兒驚癇瘈瘲日數十發 醫所不療者方

紫石英

滑石

白石脂

凝水石

石膏

赤石脂

甘艸

桂心

牡蠣

大黃

乾薑

龍骨

右十二味治下篩為粗散盛以韋囊懸高涼處欲用取三指撮以新汲井水三升煮取一升二合大

人頓服未百日兒服一合未能服者以綿沾著口中熱多者日四五服以意消息之

深師方只龍骨牡蠣乾薑滑石

白石脂五味

義衍

此徐嗣伯風眩門中十方之一金匱名風引湯專主內發之風趙以德曰風者外司厥陰內應肝木上隸手經下隸足經中見少陽相火所以風自內發者由火熱而生也風生必害中土土病則四末不用聚液成痰癱者風木挾痰注於四肢也癩者風熱擾其筋脈內應於心主也前續命風引湯祛風外散此紫石散引風內泄故用大黃兼甘艸桂

心滑石石膏以化風熱乾薑以為反謀使火無拒格之虞紫石英寒水石以潤血燥赤白石脂龍骨牡蠣以補其空絕風火復來之路也

治百二十種風癩癲驚狂發即吐沫不識人者四月五月宜服之方

紫石英

芍藥

龍骨

一作黃芩

赤石脂

白蘚皮

麻黃

當歸

甘艸

栝蘆根

桂心

人參

各二兩

牡蠣

三兩

大黃

五兩

右十三味治下篩為粗散分作七裹每以大棗十枚水三升煮取二升半去滓下一裹大棗汁中煎取一升去滓頓服相去七日一服服訖即瘥

衍義

採續命風引二方之要合而為一參入蘇皮栝萹

以化外內風熱用棗湯煮取助脾氣以行藥力也

治癩癩厥時發作方

防葵

代赭

人參

鉛丹

白殭蠶

鈎藤

茯神

雷丸

虎骨

生豬齒

遠志

桂心

防風

各六兩

卷柏

葇蓉子

升麻

附子

牡丹

龍齒

光明砂

各一分

牛黃

白斂

四分

蚱蟬

十四枚

蛇蛻皮

白馬睛

各一具

右二十五味治下篩酒服方寸七日二亦可為丸

良驗

衍義

祛風毒滌頑痰破痰結利孔竅鎮驚怯和血脈安

神氣莫不畢具稍嫌龐雜勢分耳

芎藭酒 治風癩引脇牽痛發則吐耳如蟬鳴方



芎藭

藁本

藁茹 各五兩

右三味咬咀內酒一斗煮取三升頓服羸者分二服取大汗

衍義

芎藭治中風入腦頭痛藁本治風頭痛藁茹治大風惡氣皆本經主治

鴟頭丸 治風癩方

鴟頭 一枚

葶藶子

鉛丹

虎掌

烏頭

栝蒌根 各三分

甘遂

天雄

蜀椒

大戟 各二分

白朮 一分

藁茹

鐵精 各一兩

右十三味為末蜜丸如梧子酒下二九日三服

衍義

烏頭天雄藁茹蜀椒破結攻毒虎掌白朮祛風滌痰鉛丹鐵精鎮攝虛邪葶藶甘遂大戟栝蒌下泄毒風鴟頭上追風毒專取旋風健搏之義

又方 治癩癩瘕瘕方

鉛丹 一斤

飛鴟頭 二枚

右二味為末蜜丸先食服三九日三劇者夜一稍加之

衍義

鴟頭追風鉛丹鎮攝藥味專精較之前方更銳

又方

葇苳子三升搗篩以酒一斗漬半日絞去滓湯中煎令可丸先食服如小豆二丸加至如梧子二丸以知為度額上手中從文理中赤起是知也無此候更食病日發者三日愈間日發者十日愈五日發者二十日愈半歲發者一月愈葇苳入癩狂方皆用其子且言勿令子破破則令人發狂今日搗篩酒漬去滓為丸是專用其毒以攻毒也

地黃門冬酒

治陰虛癩妄方

地黃三十斤

天門冬一斤

右二味搗取汁作煎服之瘥

衍義

千金治癩都用祛風破結此獨養正除邪蓋生地黃有逐血除痺之功天門冬有暴風濕痺強骨髓去伏尸之治至於釀酒為煎補益多端豈止治風癩惡疾而已哉

天門冬酒 通治五臟六腑大風洞泄虛弱五勞

七傷癥結滯氣冷熱諸風癩癘惡疾耳聾頭風

四肢拘攣猥退歷節萬病久服身輕延年齒落

更生髮白更黑方

天門冬搗絞取汁二斗麴二升麴發以糯米二斗準家醞法造酒春夏極冷下飯秋冬溫如人肌酸之酒熟取服一盞常令酒氣相接勿至醉吐慎生冷酢滑鷄豬魚蒜特慎鯉魚及忌油膩此是二斗汁法一石二斗亦準此

服十日覺身體癢疹大癢二十日更大癢三十日乃漸止此皆風氣出故也四十日卽覺身心朗然大快五十日當風坐臥覺風不著人身中諸風悉盡

用米法先淨淘米曝乾臨欲用時別取天門冬汗漬米乾漉炊之餘汁拌飯密封

取天門冬汁法淨洗天門冬去皮心漉去水切壓取汁三四遍滓乾乃止此酒初熟味酸仍作臭泔腥氣但依式服之久停則香美封四七日佳凡八九月少少合至十月多合擬至來年五月相續服之入四月不得合服酒時若得散服得力更倍速散方如左

散方

天門冬去皮心曝乾搗作末以上件酒服方寸七日三加至三七久服長生凡酒亦得服

衍義天門冬本經首主諸暴風濕偏痺堅強骨髓單用一味釀酒以取專功兼散並進尤得力

### 灸法

大人癩小兒驚癇灸背第二椎及下窮骨兩處以繩度中折繩端一處是脊骨上也凡三處畢復斷繩作三折令叅合如△字以一角挂中央灸下二角俠脊兩邊便灸之凡五處故畫圖挂以丹挂所灸五處各百壯削竹皮為度勝繩也

卒癩灸陰莖上宛宛中三壯得小便通即瘥翼云當尿孔上又灸陰莖頭三壯 又灸足大趾上聚毛中七

壯 又灸囊下縫二七壯 又灸兩乳頭三壯 又

灸督脈三十壯三報穴在鼻直中上入髮際 又灸

天牕百會各漸灸三百壯炷惟小作 又灸耳上髮

際各五十壯

論曰黃帝問曰有病怒狂者此病安生岐伯對曰生於陽也陽何以使人狂曰陽氣因暴折如難決故善怒名曰陽厥問曰何以知之對曰陽明常動太陽少陽不動而動大疾此其候也曰治之柰何曰衰其食即已夫食入於陰長氣於陽故奪其食即已使之服以生鐵落為後飯夫生鐵落者下氣疾也

論曰凡發狂則欲走或自高賢稱神聖皆須備諸火灸乃得永瘥若或悲泣呻吟者此為邪非狂自依邪方治之邪入於陽則為狂邪入於陰則為血痺邪入於陽傳即為癲狂邪入於陰傳則為痛瘖陽入於陰病靜陰入於陽病怒

鼈甲湯 治邪氣夢寐寤時涕泣不欲聞人聲體中衰削乍寒乍熱腰脊強痛腹中拘急不欲飲食或因疾病之後勞動疲極或觸犯忌諱眾諸不節婦人產生之後月經不利時下青赤白肌體不生肉虛羸瘦小便不利或頭身發熱旋復

解散或一度交接彌日困極皆主之方

鼈甲 七枚

甘艸

白薇 一作白芷

貝母

黃芩 各二兩

麻黃

白朮

芍藥 各一兩半

防風 三兩

凝水石

桂心

茯苓

知母 各四兩

石膏 六兩

右十四味咬咀以水二斗煮取四升溫服一升日三夜一

衍義此湯治肝氣內薄陽邪陷陰之病鼈甲性味與鱉甲相類首取此味入肝護陰引領麻黃桂心開發

陷陰之邪白薇黃芩分解交爭之熱知母石膏寒  
水石專化陰分之火茯苓白朮甘艸共助實脾之  
力芍藥收陰專瀉內動之火貝母化痰善解中氣  
之鬱鄜風言採其蟲蟲卽貝母之別名也  
九物牛黃丸 治男子沾鬼魅欲死所見驚怖欲  
走時有來止皆邪氣所爲不能自絕方

- 牛黃土精
- 空青天精
- 玉屑白虎精
- 雄黃地精
- 赤石脂朱雀精
- 元參元武精
- 龍骨水精
- 曾青蒼龍精
- 荆實木精

右九味名曰九精上通九天下通九地各一兩治

下篩蜜和丸如小豆先食服一九日三稍加以知

爲度翼方云凡邪病當服五邪湯九精丸瘥

衍義

夫魘魅異端正人之所不屑然陰柔細人因邪入  
邪往往有之有真陽素虧陰邪內結不能辟除邪  
妄者有遭風失溺心神恐懼而成惑亂者有積疑  
難釋驚痰堵塞而妄言妄見者凡此皆驚恐恚勞  
所變而千金咸以列之小腸腑者以小腸之脈上  
衝心貫肝肺肺病則魄不安肝病則魂不歸妄言  
妄見迨所不免如九物牛黃丸良由心腎本虛神  
志失守而爲驚邪所觸故以牛黃主驚癇寒熱熱

盛狂瘕本經原有除邪逐鬼之治佐以荆實治風  
逐濕祛痰解熱曾空二青玉屑雄黃赤脂龍骨鎮  
攝驚妄獨取元參以導虛熱其襄配合九精之妙  
十黃散 治五臟六腑血氣少亡魂失魄五臟覺  
不安忽忽喜悲心中善恐怖如有鬼物此皆發  
於大驚及當風從高墮下落水所致悉主之方

雄黃

人參 各五分

黃芩

大黃

黃蘗

黃芪

細辛

桂心 各三分

黃連

黃昏

蒲黃

麻黃 各一分

黃環

澤瀉

山茱萸

各二分

右十五味治下篩未食温酒服方寸七日三不知  
加至二七羸劣者更加人參五分一方有牛黃  
二分 崔氏有蜀椒五分  
乾薑四分

衍義

十黃散專主本虛驚恐及風水外激故取雄黃以  
辟百邪以治陰邪濁惡之患人參黃芪桂心山萸  
護持心腎血氣麻黃細辛外發肌表之邪黃芩黃  
連大黃黃蘗蒲黃澤瀉內泄臟腑血閉惟黃昏黃  
環人所未詳黃昏一名合歡本經安五臟和心志  
黃環本名狼跋本經治鬼魅邪氣寒熱但非常用

之品以故罕有識者

別離散 治男女風邪男夢見女女夢見男悲愁

憂恚怒喜無常或半年數月一發動方

桂心

茵芋

天雄

菖蒲

細辛

茜根

附子

乾薑

白朮

桑寄生

各三兩

右十味治下篩酒服方寸七日三凡修合勿令婦

人雞犬及病者家人知見令邪氣不去禁之為驗

衍義

別離散治男女風邪邪非外來風從內發故用雄

附桂薑熱因熱用以散肝木內動之風白朮茜根

寄生細辛菖蒲以清痰濕擾亂之竅茵芋一味專

治五臟風濕毒邪也

四物鳶頭散 治鬼魅方

東海鳶頭

即由跋根

黃牙石

一名金牙

葇蓉子

防葵

各一分

右四味治下篩酒服方寸七欲令病人見鬼加防

葵一分欲令知鬼主者復增一分立有驗防葵葇

蓉並令人迷惑恍惚如狂不可多服

衍義

鳶頭即由跋乃虎掌之細者專主風毒痰腫結熱



防葵治癩癩驚邪狂走莨菪療內痺拘急癩狂金  
牙辟瘴癘毒風惡氣四味皆瞑眩之藥而防葵莨  
菪性稟陰毒用者尤為切慎

五邪湯 治邪氣啼泣或歌或哭方

禹餘糧

防風

桂心

芍藥

遠志

獨活

甘艸

人參

白朮

石膏

牡蠣

秦艸 各二兩

防己

菖蒲

茯神

雄黃

深師作黃丹

蛇蛻皮

各一兩

右十七味咬咀以水二斗煮取四升分四服亦可

如煮散法服之

衍義

五邪湯主治驚啼歌哭邪氣曰五邪者肝風內發  
則為風邪治以防風獨活蛇蛻之屬二火交煽則  
為熱邪治以桂心石膏芍藥之屬脾濕生風則為  
濕邪治以防己秦艸白朮之屬痰迷空竅則為驚  
邪治以雄黃牡蠣禹糧之屬驚啼歌哭則為虛邪  
治以遠志菖蒲茯神之屬凡此五邪靡不由心神  
怯弱所致甘艸人參非特安神并佐諸藥之力病  
久正氣虛者非此不能尅應

茯神湯 治五邪氣入人體中見鬼妄語有所見  
聞心悸跳動恍惚不定方

茯神

茯苓

菖蒲

人參

各三兩

赤小豆

四合

右五味咬咀以水一斗煮取二升半分三服

衍義

病人神氣本虛而為驚恐恚勞所傷有似鬼魅沾  
著而實非邪妄為患此湯最為合宜茯神安心神  
茯苓守臟氣人參壯元氣菖蒲通心竅赤小豆導  
虛熱使丙火歸就壬水與後定志小丸開心散功  
用彷彿

人參湯

治風邪鬼氣往來發作有時或無時方

人參

防風

烏頭

乾薑

桔萋根

翼作桔梗

澤瀉

狗脊

遠志

附子

黃芩

獨活

各五分

秦艽

牡蠣

山茱萸

五味子

前胡

細辛

石膏

芎藭

蜀椒

牛膝

甘艸

石南

桂心

桑白皮

麻黃

竹皮

白朮

橘皮 各十  
八銖

鬼箭羽 翼作  
澤蘭

茯苓

各十  
二銖

大棗 十六  
枚

右三十二味咬咀以水六升酒六升合煮取四升  
分五服日三夜二

虎睛湯 治狂邪發無常披髮大叫喚欲殺人不

避水火方

虎睛

鴟頭

露蜂房 各一  
具

茯苓

桂心

防風 各三  
兩

人參

甘艸

天雄

獨活 各  
兩

石長生 十  
分

楓上寄生 五  
分

右十二味咬咀以水一斗二升煮取三升分四服

日三夜一

又方

防葵

人參

貫衆 各五  
兩

防風

桂心 各三  
兩

右五味咬咀以水一斗煮取三升分四服稍服亦  
可

治卒發狂方

苦參五斤為末蜜和丸如酸棗大單服十九

治魅方

水服鹿角末方寸七日三

又方

水服獺肝末日三

治狐狸諸色精魅作種種惡怪令人恐怖狂癩風

邪方

雄黃 六斤

油 一斗

右二味破雄黃如棊子并油內大鑊中以盆合頭作竈微火煎九日九夜不得少時火絕亦不得火冷須火熱微微不絕辟諸精魅神驗

治風邪方

商陸根三十斤去皮細切以水八斗東向竈煎

減半去滓更煎令可丸如梧子大服一九合時

勿令人見更有葇菀方大豆紫湯皆可服取汗

出佳

葇菀方見此篇前大豆紫湯見前三卷婦人門

又方

燒蝦蟆末水服方寸七日三

又方

水服伏龍肝末方寸七日三

衍義

人參湯治本氣虛寒毒邪暴虐故以參朮烏附麻

黃石膏狗脊鬼箭羽羣隊交攻寒熱互舉而用

虎睛湯專取虎睛參苓定魄安神天雄桂心鴟頭  
蜂房石長生辟除陰毒大半出虎睛丸方餘皆截  
風之味 又方防葵辛寒大毒專攻癩癰驚狂貫  
衆辟邪毒惡氣防風治木盛生風桂心通關節結  
氣人參助諸藥之力也 苦參苦寒下降專散心  
腹結氣 鹿角取貫頂純陽辟陰邪散血腫 獺  
肝治傳尸殺瘵殭邪氣 商陸性稟至陰治水腫腹  
以辟精物惡鬼邪氣 蝦蟆灰辟邪解毒專破陽明結積  
脹殺鬼精物 蝦蟆灰辟邪解毒專破陽明結積  
脹滿 伏龍肝取火土之餘烈以攝陰邪之內蘊  
也

### 鍼灸法

論曰凡諸百邪之病源起多塗其有種種形相示表  
癩邪之端而見其病或有默默而不聲或復多言而  
謾說或歌或哭或吟或笑或眠坐溝渠噉食糞穢或  
裸形露體或晝夜行走或嗔罵無度或是蜚蠱精靈  
手亂目急如斯種類癩狂之人今鍼灸與方藥並主  
治之凡占風之家亦以風爲鬼斷

扁鵲曰百邪所病鍼有十三穴凡鍼先從鬼宮起次  
鍼鬼信次至鬼壘又至鬼心鍼至五六穴即可知矣

若是邪蠱之精便自言說論其由男從左起鍼女從右起鍼若數處不言便遍鍼穴也仍須依掌訣捻目而治之萬不失一黃帝掌訣別是術家祕要

第一鍼人中名鬼宮從左邊下鍼右邊出

第二鍼手大指爪甲下名鬼信入肉三分

第三鍼足大趾爪甲下名鬼壘入肉二分

第四鍼掌後橫文名鬼心入半寸即大淵穴也

第五鍼外踝下白肉際足太陽名鬼路火鍼七銜銜

三下即申脈穴也

第六鍼大椎上入髮際一寸名鬼枕火鍼七銜銜三

下

第七鍼耳前髮際宛宛中耳垂下五分名鬼牀火鍼

七銜銜三下

第八鍼承漿名鬼市從左出右

第九鍼手橫文上三寸兩筋間名鬼路即勞宮穴也

第十鍼直鼻上入髮際一寸名鬼堂火鍼七銜銜三

下即上星穴也

第十一鍼陰下縫灸三壯女人即玉門頭名鬼藏

第十二鍼尺澤橫文外頭接白玉際名鬼臣火鍼七

銜銜三下即曲池穴也

第十三鍼舌頭一寸當舌中下縫刺貫出舌上名鬼封仍以一板橫口吻安鍼頭令舌不得動 已前若

是手足皆相對鍼兩穴若是孤穴即單鍼之

邪鬼妄語灸懸命十四壯穴在口唇裏中央絃絃者

斷絃乃佳

邪病臥瞑瞑不自知風府主之一名鬼穴

邪病大喚罵詈走灸十指端去爪一分一名鬼城

邪病大喚罵走遠三里主之一名鬼邪

邪病鬼癩四肢重顛上主之一名鬼門

邪病四肢重痛諸雜候尺澤主之尺中動脈一名鬼受

邪病語不止及諸雜候人中主之一名鬼客

倉公法 狂癩不識人癩病眩亂灸百會九壯狂

走掣癡灸玉枕上三寸一法頂後一寸灸百壯狂

邪鬼語灸天窻九壯 狂走癩疾灸頂後二寸十二

壯或灸大幽百壯 狂言恍惚灸天樞百壯 狂走

癩癩灸季肋端三十壯或灸河口五十壯穴在腕後

是 狂癩哭泣灸手逆注三十壯穴在左右手 狂

癩風癩吐舌灸胃腕百壯 狂邪發無常披髮大喚

欲殺人不避水火及狂言妄語灸間使三十壯穴在

五寸臂上兩骨間 狂走喜怒悲泣灸臣覺一作攪 隨

亦治驚恐歌哭 狂走喜怒悲泣灸臣覺一作攪 隨

年壯穴在背上甲內側反手所不及骨悲哭鬼語灸天府五十壯 悲泣邪語鬼

兔百壯 悲哭鬼語灸天府五十壯 悲泣邪語鬼

忙歌哭灸慈門五十壯 狂邪驚癇灸承命三十壯

穴在內踝後上行三寸動脈上 狂癲風驚厥逆心煩灸巨陽五十

壯 狂癲鬼語灸足太陽四十壯 狂走驚恍惚灸

足陽明三十壯 狂癲癇易疾灸足少陽隨年壯

狂走癲厥如死人灸足大趾三毛中九壯一云灸大敦

狂走易罵灸八會隨年壯穴在陽明下五分 狂癲驚走恍

惚真喜笑罵歌哭鬼語悉灸腦戶風池手陽明太陽

太陰足陽明陽躄少陽太陰陰躄足跟皆隨年壯

驚怖心忪少力灸大橫五十壯 狂風罵詈搥斫人

名為熱陽風灸兩吻邊燕口處赤白際各一壯又灸

陰囊縫三十壯令人正臥核卵上灸之勿近前中卵

恐傷陽氣也 狂走刺人或欲自死罵詈不息稱神

鬼語灸口吻頭赤白際一壯又灸兩肘內屈中五壯

又灸背胛中間三壯報灸之倉公法神效 鬼魅灸入髮

一寸百壯又灸間使手心各五十壯 狐魅合手大

指縛灸合間三七壯當狐鳴即瘥 卒狂言鬼語以

氈帶急合縛兩手大指便灸左右脇下對屈肋頭兩

處火齊起各七壯須臾鬼自道姓名乞去徐徐問之



乃解其手 卒中邪魅恍惚振噤灸鼻下人中及兩  
手足大指爪甲令艾圓半在爪上半在肉上各七壯  
不止十四壯炷如雀屎大 風邪灸間使隨年壯又  
灸承漿七壯又灸心膈七壯又灸三里七壯 卒狂  
鬼魘鍼其足大拇趾爪甲下入少許卽止

風虛驚悸第六 方二十三首

遠志湯 治心氣虛驚悸喜忘不進食補心方

遠志 乾薑 白朮

桂心 黃芪 紫石英各三兩

人參 茯苓 甘艸

芎藭 茯神 當歸

羌活 防風各二兩 麥門冬

半夏各四兩 五味子二合 大棗十二枚

右十八味咬咀以水一斗三升煮取三升半分五  
服日三夜二

衍義嘗攷靈樞經脈陰陽相貫如環無端病則寒熱相

移靡所底止如驚悸善忘良由心氣之虛虛則風  
火相乘勢必傳之於腑非若傷寒之邪流入奇經  
從陽維而爲傳變次第也如遠志補心湯中生脈  
保元滋降心火理中四君固實脾土火降則心肺

安土實則腎肝固五臟相率受其益矣更須用芎歸桂心以和營血遠志茯神以利關竅羌防以祛風濕半夏以滌痰涎紫石以鎮心怯大棗以和脾氣并和諸藥性味也

又方 治中風心氣不足驚悸言語謬誤恍惚憤憤心煩悶耳鳴方

遠志

黃芪

茯苓

甘艸

芍藥

當歸

桂心

一方無

麥門冬

人參

各二兩

附子

一兩

獨活

四兩

生薑

五兩

右十二味咬咀以水一斗二升煮取四升每服八合羸人服五合日三夜

衍義

前方重在脾虛不進飲食故須理中四君此方重在腎虛風火上乘故用附子獨活并藉保元歸芍以培養血氣收攝虛陽也

茯神湯 治風經五臟大虛驚悸安神定志方

茯神

防風

人參

遠志

甘艸

龍骨

桂心

獨活

白朮

一兩

酸棗仁

一升

細辛

乾薑

各半兩

掃葉山房

右十二味咬咀以水九升煮取三升分三服

衍義

東垣云五臟大虛驚悸必先健運中氣故首推理中薑桂實脾寧神酸棗收津除煩龍骨鎮驚安魂辛防獨活疎理虛風遠志茯神交通心腎而神志安矣

又方 治風虛滿頸項強心氣不定不能食方

茯神 麥門冬 各四兩 人參

遠志 羌活 當歸

合甘艸 紫石英 五味子 各二兩

半夏 黃芪 防風 各三兩

酸棗仁 三升 生薑 五兩

右十四味咬咀以水一斗三升煮棗仁至一斗去棗內餘藥煎取三升半每服七合日三夜二

衍義

風虛項強風氣在上故用保元生脈專取防風佐黃芪以禦虛風當歸輔黃芪以和營血酸棗配門冬以滋津液紫石統五味以溫金水茯神遠志得薑半羌活祛風痰而利九竅也

補心湯 治心氣不足病苦驚悸汗出心中煩悶

短氣喜怒悲憂悉不自知常苦咽喉痛口唇黑嘔吐血舌本強不通水漿方

紫石英

人參

茯苓

遠志

當歸

茯神深師作桂

紫菀

甘艸各二兩

麥門冬一升

赤小豆三合

大棗三十枚

右十一味咬咀以水一斗二升煮取三升分三服

又方 治心氣不足多汗心煩喜獨語多夢不自

覺咽喉痛時吐血舌本強水漿不通方

紫石英

人參

茯苓

桂心

各二兩

麥門冬三兩

紫菀

甘艸

各一兩

赤小豆二十四粒

大棗七枚

右九味咬咀以水八升煮取二升半分三服春夏

服佳

又方 治奄奄忽忽朝瘥暮劇驚悸心中憧憧胸

滿不下食陰陽氣衰脾胃不磨不欲聞人聲定

志下氣方

人參

茯苓

遠志

甘艸

枳實

當歸

龍齒

桔梗各二兩

半夏

桂心

各五兩

黃芪四兩

茯神三兩

生薑

六兩

大棗二十枚

右十四味咬咀以水一斗二升先煮粳米五合令熟去滓內諸藥煮取四升一服八合日二夜一

又方 治心氣不足心痛驚恐方

遠志

蒲黃 一方用 菖蒲

人參

茯苓 各四兩

右四味咬咀以水一斗煮取三升半分三服

又方 治心氣不足腹背相引痛不能俛仰方

茯苓

遠志

黃芩

乾地黄

麥門冬

石膏 各四兩

半 各二兩

桂心

附子

生薑 各二兩

甘艸

阿膠

糖 各一兩

大棗 三十枚

右十四味以十二味咬咀水一斗煮取三升去滓

內糖及膠更煎取二升二合分三服 此方與前心虛實篇大補

心湯相宜 世分兩別

義衍

補心湯藥味主治大率與遠志湯相彷彿以不進

飲食故理中薑桂為必須此以咽痛吐血則紫苑

赤小豆為要藥 次方治獨語多夢則前方中茯

神遠志當歸正當進用而反裁汰者以仁柔無制

伏龍雷之力故易桂心以攝肝火之浮散 第三

方神魂不寧故彷彿平補鎮心龍齒青魂之法兼保元歸芪以駕馭之枳桔苓半薑棗疎滌空竅之痰涎也 第四方以有心痛故參蒲黃於參苓遠志劑中以散血為務 第五方腹背引痛不能俛仰瘀積流入經脈故屏除參芪補氣之味專取地黃阿膠滋培營血桂心附子茯神遠志開通經竅黃芩石膏麥門冬清理肌表旺氣半夏薑棗滌除隔上頑痰甘艸飴糖和脾緩急以和腹背相引之痛

小定心湯 治虛羸心氣驚弱多魘方

茯苓 四兩

桂心 三兩

甘艸

芍藥

乾薑

人參

遠志 各二兩

大棗 十五枚

右八味咬咀以水八升煮取三升分四服日三夜

一

大定心湯 治心氣虛悸恍惚多忘或夢驚魘志

少不足方

人參

茯苓

茯神

遠志

赤石脂

龍骨

乾薑

當歸

甘艸

白朮

芍藥

桂心

紫苑

防風

大棗

右十五味咬咀以水一斗二升煮取三升半分五服日三夜二

衍義

定心首宜實脾以禦陰火之逆方下所主驚弱多  
魘明是土氣虛寒不能營養肝木所以神魂不寧  
故於桂枝湯中易乾薑桂心以溫肝脾兼參苓遠  
志交通心腎以安神明也 大定心湯即於前方  
加白朮以理中氣輔桂心以和營血更須龍骨赤  
脂以鎮心肝之怯其餘茯神防風當歸紫苑則又

桂心茯苓芍藥大棗之佐也

治驚勞失志方

甘艸

桂心

龍骨

防風

麥門冬

牡蠣

遠志

茯神

大棗

右九味咬咀以水八升煮取三升分二服相去如人行九里久再進

衍義

驚勞失志總由心腎不交虛風內動所致故以茯  
神遠志交通心腎龍骨牡蠣鎮攝虛風桂心防風  
遍達肝氣麥冬甘艸大棗滋益心脾實則虛風無

隙可入矣

荆瀝湯 治心虛驚悸不定羸瘦病方

荆瀝 二升

茯神

白蘚皮 各三兩

人參 二兩

白銀 十兩以水一斗煮取二升

右三味咬咀以荆瀝銀汁中煮取一升四合分三

服相去如人行十里久進一服

又方

荆瀝二升緩火煎取一升六合分温四服日三

夜一

衍義驚悸虛羸多由風氣內動雖用人參益氣茯神安

神然必首推荆瀝治風逐濕解熱消痰佐以白蘚

兼祛肌表風熱白銀煮湯煎服以鎮心肺之祛也

又方單用荆瀝煮服功力尤專

鎮心湯 治風虛勞冷心氣不足喜忘恐怖神志

不定方

防風

當歸

大黃

麥門冬 各五兩

澤瀉

大豆黃卷

白斂 各四分

菖蒲

人參

桔梗

遠志

桂心

薯蕷

石膏 各三分

乾薑



茯苓

紫苑 各一兩

甘艸

白朮 各十分

附子

茯苓 各二兩

秦艸 六分

粳米 半升

大棗 五兩

右二十四味咬咀以水一斗二升先煮粳米令熟去滓內藥煮取四升分服日三夜一翼方不用粳米蜜丸如梧

子酒服十九加至二十九

大鎮心散 治心虛驚悸夢寤恐畏方

紫石英

茯苓

防風

黃芪

甘艸

澤瀉 各八分

白朮

薯蕷

秦艸

白斂 各六分

麥門冬

當歸 各五分

桔梗

大豆黃卷

柏子仁

桂心

遠志

大黃

石膏 各四分

乾薑

蜀椒

芍藥

細辛 各三分

右二十四味治下篩酒服三方寸七日三一方無紫石英茯苓澤瀉乾薑有大棗四分蜜丸如梧子大酒下十五丸

又方 治風虛心氣驚弱恍惚失常忽嗔恚悲志意不樂方

紫石英

白石英

硃砂

龍齒

乾地黄

一本無

人參

白朮

茯苓

桂心

乾薑

天雄

附子

細辛

防風

遠志

各二兩

右十五味治下篩酒服兩方寸七日三

小鎮心散 治心氣不足虛悸恐畏悲思恍惚心

神不定惕惕然驚者方

人參

白朮

遠志

附子

桂心

黃芪

細辛

乾薑

乾地黄

赤小豆

龍齒

防風

菖蒲

各二兩

茯苓

四兩

右十四味治下篩酒服二方寸七日三

鎮心丸 治男子婦人虛損夢寤驚悸或失精神

婦人赤白注漏或月水不利風邪鬼疰寒熱往

來腹中積聚憂恚結氣諸病方

紫石英

茯苓

菖蒲

肉蓯蓉

麥門冬

遠志

大黃

當歸

細辛

大豆黃卷

卷柏

乾薑各五分

人參

丹參

防風

秦艽

澤瀉各六分

柏子仁

芍藥

石膏各三分

烏頭

桂心

桔梗

甘艸

薯蕷

前胡

白斂

鐵精

銀屑

牛黃各二分

白朮

半夏各三分

麤蟲十二枚

乾地黃十二分

大棗五十枚

右三十五味爲末蜜棗和搗五千杵丸如梧子酒

服五丸日三加至二十九一本無豆卷大棗

大鎮心丸 治同前凡是心病悉主之方

乾地黃六分

牛黃五分

羌活

桂心

秦艽

芎藭

人參

遠志

麥門冬

丹砂

阿膠

甘艸

大黃

紫石英

銀屑

白薇

當歸

乾薑

防風各八分

杏仁

蜀椒各三分

澤瀉

黃芪

大豆卷

茯苓

薯蕷

茯神

前胡

柏子仁

鐵精各五分

桑螵蛸十一枚

大棗四枚

右三十二味為末白蜜棗和丸酒服七九日三加至二十九

小鎮心丸

治心氣少弱驚虛振悸胸中逆氣

夢叅錯謬忘恍惚方

紫石英

硃砂

茯神

銀屑

雄黃

菖蒲

人參

桔梗

乾薑

遠志

甘艸

當歸

桂心

各二分

防風

防己

細辛

鐵精

各一分

右十七味為末蜜丸如大豆飲服十九日三加至二十九 一方有茯苓二分為十八味

定志小丸 治心氣不定五臟不足甚者憂愁悲

傷不樂忽忽喜忘朝瘥暮劇暮瘥朝發狂眩者

方

人參

茯苓各三兩

菖蒲

遠志

各二兩

右四味爲末蜜丸如梧子大飲服七九日三加茯  
神爲茯神丸散服之亦佳

衍義

鎮心者心氣本虛虛風上擾煽動君火而力爲之  
鎮攝也君火不寧必有濁液汪聚心下以心包無  
從開泄是必假道濟泌而循出路故千金列之腸  
腑乃取金匱薯蕷丸風氣百疾之治兼借風引湯  
鎮固虛風之法鎮心湯中防風當歸麥門冬大豆  
卷白藪薯蕷人參白朮甘艸乾薑茯苓桔梗皆薯  
蕷丸中之藥大黃桂心石膏又從風引湯中參入  
加入附子一味收斂虛陽其餘菖蒲遠志茯神紫

菀秦苲澤瀉粳米大棗不過通達上下之佐使耳  
大鎮心散較前鎮心湯但少附子菖蒲紫菀粳  
米大棗而多紫石黃芪芍藥柏仁蜀椒一用附子  
鎮攝虛陽一用紫石溫煖營血主治雖異取法則  
一又方因肝腎虛火上侮君主故裁去延緩諸  
味首取風引湯中紫白石英龍齒薑桂鎮驚斂魂  
意謂前湯之附子不足而益以天雄前散之紫石  
英不足而益以白石英更加硃砂龍齒兼該鎮固  
之力祇恐雄附過烈進用地黃陰陽兼濟之妙無  
以喻之 小鎮心散卽大鎮心散減去石英椒桂

大黃石膏等味而進龍齒收斂肝魂赤小豆導引  
心火從水道開泄也 鎮心丸兼取薯蕷丸風引  
湯之法尙恐石藥不能鎮固更需鐵精至重之性  
得純陽火練則輕浮上升兼取銀屑鎮驚逐邪諸  
金石中無以過之痰在心包雖用半夏非牛黃不  
能透出膈膜若痰垢不除總力爲鎮攝亦無益於  
治其餘前胡卷柏柏仁丹參烏頭廬蟲等味良由  
婦人子藏受風血室不淨之故如無等證當無藉  
此 大鎮心丸所治與前方大同惟桑螵蛸收瀆  
小便與前方小異 小鎮心丸中硃砂雄黃鐵精

銀屑專鎮魘夢參錯薑桂參神助長於中防已防  
風開發上下合七方參之則鎮驚之法鐵微畢具  
略無罅漏矣 定志小丸與前茯神湯立法相類  
彼治心悸恍惚故用茯神赤小豆專清心包之火  
此治忽忽喜忘故用遠志專辟關竅之痰

紫石英酒 治久風虛冷心氣不足或時驚怖方

紫石英斤一 鍾乳 防風

遠志 桂心各四兩 麻黃

茯苓 白朮 甘艸各三兩

右九味咬咀以酒三斗春日漬五日每服四合日

三不可至醉常令有酒氣

衍義

久風虛冷襲於心包雖用麻黃防風不能使透膈膜故用苓桂朮甘湯和營健脾逐濕祛痰更取鍾乳之反激助雄紫石之搜逐陰邪遠志之通關利竅漬之以酒則麻黃防風得以遲緩祛之力

好忘第七 方十六首

枕中方 常服令人大聰

鱉甲

龍骨

菖蒲

遠志

右四味等分治下篩酒服方寸七日三

治多忘令人不忘方

菖蒲 二分

遠志 七分

茯苓

茯神

人參 各五分

右五味治下篩酒服方寸七日二夜一五日後知

神良

開心散 治好忘方

菖蒲 一兩

遠志

人參 各十分

茯苓 二兩

右四味治下篩飲服方寸七日三

又方

菖蒲

遠志

茯苓各三分

續斷

肉蓯蓉各二兩

右五味治下篩酒服方寸七日三至老不忘

菖蒲益智丸 治喜忘恍惚破積聚止痛安神定

志聰耳明目方

菖蒲

附子

遠志

人參

桔梗

牛膝各五分

茯苓七分

桂心三分

右八味爲末蜜丸如梧子一服七丸加至二十九

日二夜一禁如藥法

衍義

人之好忘有因病而心神離散腎氣失強痰涎乘

虛而憑凌竅隧者則宜利竅安神神氣自復亦有

素稟善忘者乃五臟皆大而緩於事神丹不能開

鑿靈機令人聰慧也枕中方首取鱉甲專通任脈

以益至陰次用龍骨專通衝脈以收虛陽遠志交

通心腎菖蒲開發機竅以佐龜龍鎮固腎肝也

次方專收神氣虛浮故用人參助菖蒲遠志茯苓

茯神利竅安神之力也 開心散較前方但少茯

神既有茯苓不須複劑也 第四方菴蓉溫補命

門通利關節佐以遠志菖蒲茯苓續斷亦取滋降



千金方卷之十四  
不使虛火上干諸竅擾亂靈明 菖蒲益智丸專  
主腎氣虛寒不能上交於心故全用開心散四味  
加牛膝桂附導火歸源枯梗開通結氣以本經原  
有驚恐悸氣之治合開心散之菖遠參苓其襄開  
心利竅之功以杜虛陽上逆之患  
養命開心益智方

乾地黃

人參

茯苓各二兩

遠志

肉蓯蓉

菟絲子各三兩

蛇牀子二分

右七味治下篩服方寸七日二忌食兔肉餘無忌

行義

地黃滋心血人參固中氣茯苓安神志餘皆滋補  
下元收攝虛陽不使上擾靈明也  
八味散方

天門冬

桂心

茯苓各一兩

乾地黃

菖蒲

遠志

石韋

五味子各三分

右八味治下篩後食或酒或水服方寸七三十日  
力倍六十日氣力强志意足  
治健忘方

天門冬

遠志

茯苓

乾地黃

右四味等分為末蜜丸如梧子大酒服二十九日  
三加至三十九常服勿絕

治好忘久服聰明益智方

龍骨

虎骨

遠志 等分

右三味治下篩食後服方寸七日二

衍義

健忘而用天門冬乾地黃涵養津血茯苓桂心五味子收攝虛陽菖蒲遠志交通神智石韋疎利熱邪從水道開泄也 次方四味治健忘是服八味散後虛陽稍除水道通利但用滋培利竅可以恒

用無疑 龍骨入肝斂魂虎骨透骨追風風從內

發而上擾於竅者非此不治更取遠志交通下上以病本陰邪專力久服可以永熄虛陽恒保貞固

又方

七月七日取菖蒲酒服三方寸七飲不至醉

又方

常以甲子日取石上菖蒲一寸九節者陰乾百

日治下篩服方寸七日三耳目聰明不忘出衢州石

橋寺南山

又方

千金方卷十四  
五月  
七月七日麻勃一升人參三兩爲末蒸令氣徧  
臨夜臥服一刀圭盡知四方之事

又方

戊子日取東邊桃枝二七枚縛著臥牀中枕之  
不忘

又方

常以五月五日日出時取東向桃枝作三寸  
木人著衣帶中令人不忘

又方

丁酉日自往市買遠志裹著衣中角頭還作未

服之不復忘

治人心昏塞多忘喜誤方

七月七日取蜘蛛網著衣領中勿令人知不忘  
衍菖蒲開竅麻勃祛風人參益氣桃枝辟邪遠志通  
心方雖專主總不能開鑿機竅改易本來重開生  
面也至於蜘蛛網不過取義而已

孫真人千金方衍義卷十四 終

